

fram og aftur, og var næsta glaðlegur. Því næst hljóp hann út, og fór húsbóni hans á estir honum, og allir hinir, sem að borðum sátu, uns þeir komu út úr bænum að á einni, og á brú nokkra, sem þar var á. Þar nam hundurinn staðar, stökk þegar í ána, og svam yfir til eyjar eða sandleyri, sem var í miðri ánni.

Í sömu svipan kom þar að stúlka ein lítil, á að sjá sjö eða átta vетra; hún var grátandi, og sagði, að bródir hennar þrévetur hefði fallið af brúnni niður í ána; hundurinn hefði legið þar á brúnni, stokkið þegar á eftir honum, bitið hann til bana, og synt með hann yfir á sandeyrina. Nú sáu hinir barn eitt lítið á eyrinni; hundurinn stóð yfir því og sleikti það, og rendi við eð við augum til húsbóna síns, sem hann biði boðs þess, að kemja með barnið; en Görkingk þorði ekki á það að hætta, og kallaði til hundsins: „Ligðu kyrr.“ Hundurinn lagðist þegar niður hjá barninu, og var að sleikja það, uns það var sótt á báti.

Nú var barnið vandlega skoðað, og varð sú raunin á, að barnið var með öllu óskaddað, en ekki bitið til bana, sem stúlk-an hafði sagt. Hundurinn hafði stokkið í ána til að frelsa barnið, tekið í klæði þess og synt með það yfir á evrina, þar sem hann átti hægast að bera það á land. Batnið var óskemt og hélt bæði lífi og heilsu.

---

### MÝSNAR.

(Eftir E. Beyer.)

Einu sinni héldu mýsnar fund með sér um það, hvaða ráð myndi bezt, til þess að verjast kettinum. „Eg þekki gott ráð!“ — gall við ung mús. „Við skulum hengja litla bjöllu á kisu. Þá getum við æfinlega heyrtil hennar, þegar hún kemur, og í tíma forðað okkur og hlaupið inn í holur okkar.“ — Öllum mýsunum fanst þetta þjóðráð og þær glöddust mjög, tístu, stukku og dönsuðu hver með annarri af fögnudi og sögðu: „Nú skal kisa aldrei gera okkur neitt mein framat!“

Þarna í horni einu lá hálsband, sem hvolpur hafði átt, og voru tvær smá-bjöllur á því. Mýsnar fara nú allar að naga, og nöguðu aðra bjölluna af hálsbandinu. En að því búnu spyrja þær hver aðra: „Hver á nú að hengja bjölluna á kisu.“ — Æn engin þeirra þorði að gera það. Fóru svo allar sneyptar aftur inn í holur sínar.

---